

آبونه شرايطي

ممالك عثمانیه ده سنه لکي (۶۵) آتی،
آیلنی (۳۵) غروشدور .
ممالك اجنبیه ده سنه لکي (۱۷)، آتی
آیلنی (۹) فرانقندر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لای مجموعه اسلامیه در .

صاحب و مدیر مسئول

باش محرر

محمد عاكف

اشرف اديب

والله يهدي من يشاء الى صراط مستقيم

اتبعون اهدكم سبيل الرشاد

اضطارات

رساله مزدن آلتدینی کوسترملک
شرطیه بتون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونمسی لازمدر .

ممالك اجنبیه ایچون آبونه اولانلرک
آدرس لرینک فرانسر جه د یازانی
رجا اولنور .

پاره کوندرلدیکی زمان نهیه دائر
اولدیفنک واضحاً بیلدیرلمسی رجا
اولنور .

درجه تحاشیلری هب معجزه باهره احمدیه اثری اولدینی آشکار اولور. حضرت سرور عالم افندیمنك « نصرت بالرعب مسيرة شهر » حدیث شریفلرینك سرعالمی قیامته قدر معجزه اوله رق باقی در. اوت مسلمانلق اوله الهی بر قدرت وقوتی حائر در که بر آیلق یول اوتده بولونان دین دشمنلری آنك هیبت وعظمتندن تره لر. اعظم دین، مثال اوله رق کتیریلن بو بر آیلق مسافه یی اك سریع برواسطه سیر ایله تقدیر ایتك، بو حدیث رسالتیناهی یی او صورتله آکلامق لازم کلدیکینی سولشلردر که علوهتمك بودرجه قصواسی آنجق مسلمانلغه خاص در.

ایشته اعدای دینك قلبلری قایلایان بوقورقو نتیجه سیدر که: یوز سنه دینرو بوتون دولتلرک، برکون کلوبده عموم اسلام عالمده دین نامه، مسلمانلق نامه بیوک برهیجان، عظیم بر حرکت اوله جغه قناعت کاملری واردی. هب اوقیام عمومینك دهشتله اندیشناك اوله رق دائما ظهورینه منتظر ایدیلر. آره صیره بو خصوصده غایت مبالغه لی روایتلرده اشاعه ایدرلردی.

حتی بر زمانلر مکه مکرمه ده مسلمانلرک جهادا کبر ایچون بیوک تدارک لری اولدیغی، بومقصده مبنی اوراده هر سنه مسلمانلرک اجتماع ایتکده اولدقلری، بعضلری ده ایلری کیدرک حجازده مقدس بر خزینه مسلمین اولوب جهادا کبر ایچون تازمان سعادتدن شیمدی به قدر هر سنه هر مؤمن طاقی درجه سنده کندی حیاتنده طوبیلا به بیلدیکی مبلغ جسمی کوتوروب او خزینه به تودیع ایتکده اولدیغی مطبوعات ستونلرنده موثوق منبعله استناد ایدرک مصرأ روایت ایتکده ایدیلر. بالاخره بوبابده معلومات لازمه آله بیلیمک ایچون روس حکومتی کلیتلی باره لر صرف ایدرک کندی تبعه سندن وکندینه صادق بیلدیکی مسلمانلردن (شمال تورکارندن) بعضی آدم لری بر قاج سنه لر موسم حجه حجازه کوندر دیلر. ۱۸۹۳ سنه سنده اورنبورغ مفتیسی محمدیار [۱] سلطائف ظاهرأ حاجی، باطنأ سده روس خفیه سی اوله رق مکیه کلش و روسیه به عودتنده حکومت متبوعه سنك داخلیه نظارتنه غایت خفی بر راپور تقدیم ایتشدی. کذلک اوچ سنه صوکر، ۱۸۹۶ ده روس حرب ناظری قوروپاتکین، « عبدالعزیز دولتشین » نامنده بر ارکان حرب ضابطی اون بیک روبله اکرامیه مقابله نیم رسمی خفیه لکه حجازه کوندر مشدی. مرقوم ارض فلسطینی دخی جولان ایتدکن صوکر، پترسبورغه عودتنده صوکر درجه ده ملعت آمیز، غایت اوزون بر راپور یازمش، روس حکومتنه تقدیم ایتشدی. مذکور راپوره نظارت عانده سنجه اهمیت فوق العاده ویرلش، نظارت حسابنه ایکی یوز نسخه طبع اوله رق بوبابده اهلیتی اولان مأمورین متخصصینه حکومتک اسراری دیبه توزیع اولمشدی. ۱۸۹۷ سنه سنده صالح تولاق نامنده بر آساتین عسکری دو قنوری حجازه کوندرلشدی.

[۱] محمدیار، روس دارالفنوننده یتشمش ترکیبه اوقویوب یازمق بیلمز، روس مظالمه آلت اوله رق مفتی عنوانیه محکمه شرعیه ریاستنه روس حکومتی طرفندن خلاف قانون اوله رق تعیین اولمش مسلمان آدلی برخاش، بر شال تورکی در!

مال شریفی

قیس بن ابی حاتم دن روایت اولنور که ابو بکر رضی الله عنه شام طرفلرینه براردو کوندردی. بواردوی یایا اولارق تشییعه چیقدی. یاننده کیلر: « ای رسول اللهک خلیفه سی، بر حیوانه پینسه کنز » دیبه نیازده بولوندیلر. حضرت خلیفه ایسه: « الله یولنده کی بو آدم لری الله رضاسی ایچون آتیورم » جوابی ویردیلر. بو حدیث شریفک مخرجی ابن ابی شیبه در.

احمد نعیم

مَقَاتِلُ

جهاد میدانلری علمای عظامی بکله یور!

جهاد ایسترفرض عین اولسون ایسترفرض کفایه اولسون، او جهتی تعیین ایتک بزم وظیفه من دکلدر. او، هرکسک غیرت دینه سنه، حیت وجدانیه سنه متعلق بر مسئله در. بزجه محقق اولان برشی وارسه اوده خلیفه معظم افندیمن حضرتلرینك امرلری، دین مبین اسلام نامه جهاد حقنده شرفصا در اولان فرمان هایونلریدر. بونی هیچ بر مؤمن انکار ایتمه چکی کی، - بر معذرة شرعیه قارشو سنده بولمده - بالفعل اطاعت ایتکندن ده قطعاً استکفاف ایده من. بوتون مسلمانلرک بوفرمان هایونی بلا قید و شرط سمعاً و طاعة دیبه قبول ایتسی بر فریضه دینه در. زیرا عموم اهل اسلامک حیاتی اولی الامر اعظم اولان خلیفه به اطاعت ایتکده در که اساس اعتباریه بو، فرمان سبجانیدر. فی الحقیقه بودرجه ده اطاعتک اسراری ظاهرأ عقول بشرک فوقنده کی کوریه بیلور سده بر آزامعان ایله ملاحظه اولونورسه حکمت علویه سی کونش کی آشکار اولور.

بوسیه مبنی در که: حضرت سرور عالم افندیمن دخی « اسمعوا و اطیعوا وان استعمل علیکم عبد حبشی » بیور مشلردر. هیچ شبهه بوقدر که عموم اهل اسلام، مکلف اولدقلری سمع و طاعة هر زمان ایچون مهیا اولوب، خلیفه معظمه دیانت نامه اطاعت اوغرنده هر نوع فداکارانی بلا تردد کمال شوق و اشتیاقله قبول ایدرلر. بونک ایسه یالکنز بزجه دکل، عموم دشمنلر مزجه دخی مسلم اولدینی حقمزده تعقیب ایتکده اولدقلری وسائل دسائس کاریلرندن نمایاندر.

تمام ایکی عصر در که، اعداء دین مبین رجال سیاسیونی صرف مسلمان اولدیغمز ایچون بزم حقمزده هر نوع تحقیراتی روا کودیلر؛ کرک اشخاص مزه، کرک جماعات مزه هر درلو مظالمی ارتکاب ایتدیلر؛ هر فرصتدن بالاستفاده اسلامی آلا بیلدیکنه ازدیلر؛ اودرجه ده که عبادات مزه وارنجیه قدر هر حرکتی ترصد آلتنده بولوندر دیلر. بو حقایقندن چوغمز غافل، بعضلر مزده متغافلدر.

اساس اعتباریه لایقیه ملاحظه اولونورسه دشمنلرک اسلامدن بو

اسلامك ظفر و اعتلا كونلری در . الله بزی بو اتحاد
و اتفاقدن آیرماسون ؛ امین اولوکز که یقین زمانده جهان اسلام بویوک
تحوالاته اوغرایه جق ، استقلالنی ، حریتی قازانه جقدر ...
اللهم انجز لنا ما وعدتنا اللهم ان تهلك هذه العصابة من اهل الاسلام
لا تعبد فی الارض .

عبدالرشید ابراهیم

رسمی «ایران» حالامی سکوت ایدمک ..

آخرالادیان اولان مسلمانلارک محافطه سی ، درتیوز میلیونی
متجاوز اولان مسلمانلارک زنجیر اسارتدن تخلص کریبان ایتلری
ایچون با فتوای شریفه خلیفه اسلام طرفندن اعلان ایدیلن جهاد
مقدس ، ایکی آبی تجاوز ایتدیکی حالدده حالا «ایران» حکومتی کندیسنی
بی طرف کوستریور ! حال بوکه دیگر طرفندن مجتهدین ایرانیه طرف
طرف ایرانیلری جهاد میدانلرینه سوق ایدیور ، خلیفه اسلامک
عسکرلره برلکده دشمن اسلامه قارشى محاربه ایتلرینک فرض عین
اولدیغنی کندیلرینه تفهیم ایدیورلر . جهاد مقدس اعلان ایدیلرلی
عالم اسلامک هر طرفنده بک مهم نتیجه لر بادی اوله جق حرکت و غلبان
دینیه مشاهدده اولونمقدده در . ذاتاً ناصل بی حس قائمه بیلیرکه بو محاربه
اسلامیتک محافطه سی ، مسلمان دشمنلرینک محو و پریشان اولمسی
ایچوندور ؟ .. مسلمانلر ناصل بی طرف قالدیهیلرکه بو جهادک هر کس
اوزرینه فرض عین اولدیغنه دائر شیخ الاسلام و مفتی الانام حضرتلری
طرفندن فتوای شرعیه صدور ایتشدور ؟ .. بومسئله ده ایران حکومتی
قومشولری اولان اسلام حکومتلرینه پیشدارلق ایدمک میدان جهاده
اک اول کندیسنی آتیه جق ایکن حالا کندیسنی بی طرف کوسترمسی
بزی دوچار حیرت ایدیور .

بز ایران حکومتک میدان مجاهدیه آتیلمه سندن بک بیوک
نتیجه لر بکله یوزز ؛ بالخاصه وحدت اسلامیه ، مسلمانلر آره سنده کی
رابطه ملیه نک احیاسنه تعلق ایدن شومسئله ده
هله ایران ایله افغانستانک ، بلوچستانک ، تورکستانک متفقاً حرکت
ایتمه سنده مسلمانلار نامنه بیوک بیوک نتیجه لر الله ایدیلرجه کی وارسته
ایضا حدر .

ایرانلر ، بدایت اسلامده علوم اسلامیه نک نشری ، احکام
اسلامیه نک محافطه سی ایچون هر وسیله ایله خدمتدن ناصیل کری
طور مامشلا ریس بو کون ده صلات دینیه نک تقویه سی ، وحدت اسلامیه نک
تظاهری خصوصنده سائرلرینه پیشدارلق ایتلرینی اولرک علو افکارندن ،
مسلم اولان همتلرندن بکله مکده هر کسک حق واردر .

عجبا ایران مجد سابقی ، علماسیله ، حکماسیله اسلامه قارشى یاغش
اولدیغنی خدماتی اونوتمش می در ؟ . یوقسه بو کون اسلامک باشنده قارتال

بونک کی دیگر دولتلرکده هر سنه مکده مسلمان قیلیقلی برر خفیه
بولندیره رق مسلمانلرک اسرارینه مطلع اولمق ایسته مه لری هیچ شبهه سز
اومعجزه باهره اثری ، او خوف و اندیشه نتیجه سی دکلی در ؟
بوندن باشقه ، بوتون رجال سیاسیه نک افکارینی دهشتلر ایچنده سنه لرجه
مشغول ایدن ، بوتون محافل دولیه ده غایت مدهش برمسئله شکلی آلهرق
کیتدکجه مقام خلافتی تهدید درجه سنه قدر کوتورولن «مسئله شرقیه»
دخی بو خوف و اندیشه نتیجه سی دکلی ایدی ؟

ایشته ، ای اخوان دین ، عصر لرجه بوتون اودیپلوماتلرک ، اوسیمای
داهیلرک کوزلرینی ییلدیران ؛ آنلری بیک درلو اندیشه لره دوشورن ،
تدبیرلره سوق ایدن «جهادا کبر» بوتون دهشتیه بو کون ظهور
ایتدی . فرمان خلیفه ذاتاً جان و دلدن اطاعتله مجبول اولان و کندیلرینه
جهاد امری تبایغ اولونه بیان بوتون عالم توحید ، بوتون مسلمان
امتلی «راه جان مرجسم را ویران کند ، بعدازان ویرانی آبادان کند»
دیه دییه میدان جهاده دولدیور : امراسی کیدیور ، اشرافی کیدیور ،
اعیان کیدیور ، مبعوثانی کیدیور ، مولویلری کیدیور ، طلبه کیدیور ، حاصلی
بوتون افراد ملت صرهبی کدکجه سوه سوه دارالجهاده شتابان اولیور .
بالکمز بوقافله فداکاران آره سنده علمای عظام حضراتی کورولمور .
آرتیق بیاض صاریقلی علمای کرام حضراتنکده بوقافله تشکیل ایدرک
حدودلرده دین دشمنلرله چاریشان مجاهدین اسلامیه علمدارلق ،
پیشوالق ایتلری زمانی کیشدر .

ای مدرسین کرام ، ای علمای عظام ! هر کس سزی هر اموره
پیشوای امت اولهرق کورمک ایستیور . اوتدنبور دائماً بعض خیر
خواهان امتک سزک طور و حرکاتکزی تدقیق ، بعضاًده تنقید ایتلری
سزله قارشى اولان حسن ظن و فرط اعتمادلرندن ایدی . یوقسه هیچ
برحققی مسلمانک علماء کرامه قارشى اغراض شخسیه سی اوله ماز .
بوتون افراد ملت کمال صمیمیتله آرزو ایدرکه : بوتون جریان احوالده
علمای کرام ملت رهبر اولسون .

بو کون حکومت حاضره مزک فعالیت و متانتی ، انهمه مسئله لرده کی
موفقیتانی کوریور ؛ بوعزم خدا پسندانه ایله عصرلردنبور اذهان جهانی
اشغال ایدن «شرق مسئله سی» کی مدهش و مهلک مسئله لرک دخی
دشمنلرمن طرفندن بردها موضوع بحث و مناقشه دکل ، خاطرلره بیله
کتیرلیه چکنه ملنجه قناعت حاصل اولمشدر .

حکومت سنیه مزک کوندن کونه موفقیتانی تظاهری ایتدکجه ملتکده
شوق و اشتیاقی غلبانه کله رک «جمله کفتندش که جانبازی کنیم ، فهم
کرداریم و انبازی کنیم» دییه فدای جان ایتک ایسته دک لرنده دائماً
اوکلرنده علمای عظام حضراتنک بولمسی آرزو ایدیورلر .

..... مدرسین کرام حضراتندن مرکب بوقافله علمای دارالجهاده
عرض مهابت ایدمک اولورلر سه اردوی اسلام آره سنده نه عظیم تأثیر
حاصل ایدمک کی آکلامایان وارمی در ؟